



# ЗАМАН



Газета издается на балкарском языке с 1924 года

Интернет-версия: zaman.smikbr.ru

КЪАБАРТЫ-МАЛКЪАР РЕСПУБЛИКАНЫ  
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА  
КАБАРДИНО-БАЛКАРСКОЙ РЕСПУБЛИКИ

## КОНФЕРЕНЦИЯ

# Къабарты-Малкъар мамырлыкъны жери болгъаны шарт тохташдырылгъанды

**Орта кюн Нальчикде «Тёрели динле: тэюмлююкге эмда бир бирге хурмет этиуге юйретиу» деген конфессияла аралы битеудуня дин конференция бардырылгъанды. Анга Шимал Кавказда муслиманланы дин управленияларыны келечилери бла бирге Россейни башха субъектлеринден къонакыла да жыйылгъадыла. Къабарты-Малкъарга бу магъаналы илму тубешиуге Муслиман алимлени битеудуня советини генеральный секретары Али Мухи ад-Дин аль-Кардагани башчылыгында делегация да келгенди. Конференция «Синдика» къонак юйде бардырылгъанды. Аны ачылыууна КъМР-ни Башчысы Юрий Коков да къатышханды. Жыйылыу, тереде болгъаныча, Сыйлы Къуранны аятларын окъудан башланганды.**

КъМР-ни Муслиманларын дин управлениясыны таматасы Хазратали Дзасежев, конференцияны ача, аны темасыны магъаналылыгын чертгенди, бютюнда дуняда бола турган ишлени эсге алсакъ. «Бююнлюкде дин не ишни да тутуругу болгъанын битеу къыраллада да ангылагъандыла.

Россеймиллетлени эм динлени кеплююню, аланы энчиликлерини мурдорунда къуралгъанды», - дегенди.

Болсада къыралыбызда халкъла бир бирлери бла мамырлыкъда жашагъанларына бюсюремегенле аз туююлдюле. Тышында, ол угъай, кесибизни къыралыбызда окъуна

миллетлени бир бирге юсюргенле, динлени араларын бузаргъа къорешгенле табылгъандыла, ол санда Шимал Кавказда да. «Бизни регионда болум а саулай Россей Федерацияны къоркъуусузулгъуна себеплик этеди», - деп къошханды муфтий.

Къыралыбызны душманлары кеслерини къара ишлерин жаш адамланы къоллары бла этерге излегенлерин да чертгенди ол: «Ала жашауда тюзно бла терсини араларын айыралмай, бирлени къолларында иллаулагъа ушп къалгъандыла. Аны хатасындан а адамла ёлтюрюледиле, анала балаларын тас этедиле».

Хазратали Олиевич акъыл этгенича, къажалуукъ жаланда ислам бла угъай, битеу тёрели динле бла байламлыды. Мамырлыкъны, келишулюкню, бир бирге хурмет этиуно излеген исламны орунуна адамланы ёлтюрю, чачдырыула синдириледиле. Шимал Кавказда уа экстремизмге къажу селешгенлери ючюн эллиден аслам дин къуллукъчу, иймам ёлтюрюлгендиле. «Энди бу жарсыу Татарстанга да жетгенди. Ол ишлени мурдору бирди - радикал ниетлени жюрютгенле башха динлени кёрюп болмагъанлары», - дегенди ол.

Шимал Кавказда динле аралы келишулюкню сакъларгъа керекди, конференцияны баш мураты да олду. «Барыбыз да, Россейни граждандлары болгъаныбызны ангылап, патриотизмни ниетлерин жаяргъа, терроризмге, ёлтюрюлеге къажу сюелирге, башха конфессияланы келечилерине хурмет эте билирге керекбиз», - дегенди муфтий.

Ахыры 2-чи бетдеди.



Хазратали Дзасежев бла Феофилакт.

## Билдириу

### Митинг, концерт да

Къабарты-Малкъар Республиканы хурметли жамауаты эмда аны къонаклары! **4-чю ноябрьде** Нальчикде Абхазия майданда, Халкы бирлигини кюнюне аталып, митинг, концерт да боллукъдула. Ала **12.00 сагъатда** башланарыкъдыла. Байрамга хош келигиз!

## Жазыпыу - 2015

### «Заманны» - хар таулу юйюрге!

Хурметли жамауат!

«Заман» - миллетибизни жангыз газетиди. Аны бетлеринде малкъар халкыны культурасыны, тарыхыны, бюгонню жашаууну, айтхылыкъ адамларын, жетишимлерини эмда жарсыларын юслеринден басмаланган материалланы сиз бир башха изданида табаллыкъ туюлюсюз.

Алайды да, жазылыгызыз, билеклик этигиз кесигизни газетигизге! Жангы жылда да ол сизни керти шухъугуз, огурулу сёз негеригиз болур деп ышанабыз.

«Заман» газетни редколлегиясы.

Бизни индексбиз - 51532

## Къабарты-Малкъар Республиканы къырал саугъалары бла саугъалауну юсюнден Къабарты-Малкъар Республиканы Башчысыны У К АЗЫ

Ишлеринде жетишимле болдурганлары эмда кеп жылланы ахшы урунганлары ючюн Къабарты-Малкъар Республиканы Сыйлы грамотасы бла саугъаларгъа **ХАНИЕВА Марина Мироновна** - Къабарты-Малкъар Республиканы Контроль-эсеплеуно палатасыны баш инспекторун; **Сыйлы атла атаргъа:**

«Къабарты-Малкъар Республиканы халкъ художниги» **ГОРЛОВ Михаил Михайлович** - «Россейни Художниклерини союзу» Битеуроссей чыгъармачылыкъ жамауат организацияны Къабарты-Малкъар республикалы бёлюмоню членине

**ТЕМИРКАНОВ Геннадий Жанович** - «Россейни Художниклерини союзу» Битеуроссей чыгъармачылыкъ жамауат организацияны Къабарты-Малкъар республикалы бёлюмоню председателине,

«Къабарты-Малкъар Республиканы сыйлы экономисти» **АФАШОКЪАЛАНЫ Раисага, Даууту кызына**, - Элбрус муниципал районну жер-жерли администрациясыны башчысыны биринчи орунбасарына

**КИМ Римма Борисовна**га - Май муниципал районну жер-жерли администрациясыны башчысыны экономика эм финансла жаны бла орунбасарына - Май муниципал районну жер-жерли администрациясыны финансла управлениясыны муниципал учрежденианы таматасына

**ТАОВА Загират Мухамедовна**га - «Къабарты-Малкъар Республиканы Муниципал къуралыуларыны совети» деген Ассоциацияны финансла бёлюмоню таматасына.

Къабарты-Малкъар  
Республиканы Башчысы

Ю. КОКОВ

Нальчик шахар, 2014 жылда 31-чи октябрьде, №224-УТ

## 1-чи ноябрь - Къулийланы Къайсынны туугъан кюню



### Къайсынны эсгертмесине

Ашыгышы жолда ол  
тохтагъанча бир чакъгъа.  
Алгынча аламны саулай  
алгъанча къучакъгъа:  
Палах ташын быргъай кери,  
къая да къобара,  
Сюрюн тузакъланы буза,  
Кавказ таба бара...  
Поэт, халкы ючюн жана,  
ёресине жара!  
Ашыгышы жолда ол  
тохтагъанча бир чыкъгъа.  
Алгынча аламны саулай  
алгъанча къучакъгъа.

БЕППАЙЛАНЫ Муталип.

Къайсынны туугъан кюнюне аталгъан материалны 4-чи бетге окъугуз.









## ЖАЗЫЛЫ

## Ана тилибизни сакълаучусу

Кёчгюнчюлюкно кезиунде Къыргызстанда Ош областада Къара-Суу районда жашай эдик. Мен жети классны тауусхандан сора сюде ише аладыла. Анда машинада зарфха уругъа юйренеде.

Ол жыл окъуна Кавказга кыйтабыз. Биз Акъ-Сууда тохтабыз. Нальчикде «Коммунизмге жол» газетни редакциясы кърала тура эди. Анда ишлерге хазна адам табылмайды. Мени ары чакърадыла. Барама. Газетни баш редактору белгили жазуучубуз Кациланы Хабу эди. Бек огурлу адам. Машинада ишлей билгениме къруанды. Ол сагъатлай окъуна жумуш берди.

Газетни биринчи номерни 1957 жылда 2-чи майда чыгарганбыз. Ол кезиуде бизде аллай уллу къруанч бар эди. Бир-бирни кърчакълайбыз. Кёллери толганла да бар эдиле.

Биринчи номерни жарашдырырга кёлпе кыйын салган эдиле. Аладан эсимде кълган къруан адамны эсгерейм. Ол санда баш редакторубуз Кациланы Хабу, аны экинчиси Макылтаны Сафар, жууаплы секретарь Маммеланы Магомет, Ахматланы Ахья, Энейланы Ахмат, Зокаланы Зейтун, Малкъондуланы Хамит, Отарланы Исмайыл, Чочайланы Мисарат, Залиханланы Магомет, Батчаланы Думасар бла Шахидат, Улбашланы Исмайылны юй бийчеси Макылтаны Фатимат эм башчала.

Бир кесек ишлегенден сора Москвага окъругъа кетдим. Кыйтахандан башлап, ёз тилибизде чыккган газетни алмай кърймаганма. Андан сора да, «Минги-Тау», «Нюр» журналланы да алама. Сабийлеге, туудукълагъа да окъутам. Тиллерин сакъларга ол алагъа уллу себепликди. Бютюнда бизнич сахарда жашаганлагъа.

Газетни юсюнден айтханда уа, анда кёл торлю темалага халпарла басмаланадыла. Арт кезиуде спортха, культурага уллу эс бурула тебирегенди. Эл миолке жораланганла азыдыла.

Хар окъуучуну кеси сюйген темалары болурла. Мен тарых, адет-тёре, культура эм тау эллерибизни юслеринден материалланы сюйюп окъуучума. Эллерибизни бююннюгю жашауларыны, адамла къалай, не бла баш кечиндиргенлери асламыракъ айтыла турса тийишли эди.

## СОЗАЙЛАНЫ Нина,

Россейни Архитекторларыны союзуна сыйлы келечиси.



## Саулык сакълау

Тёбен Чегемни врач- амбулаториясында бир бирни ангылагъан шух коллектив ишлейди. Анга иш сынауу уллу болган Ахкёбекланы Масхутну кызы Лейля башчылык этеди. Анга билеклик этген, ишни тап кърарга эмда борчларын тийишлисича толтурурга болушхан врачла бла медсестрала кёлдюле.

Аладан бири терапевт Сатаней Тамазовады. Ол бери 2012 жылда КЪМКЪУ-ну медицина факультетин бошагъандан сора кёлген эди. Жаш специалист болганлыкка, билими, саусулагъа болушлукъ этерге итинулюгю барды. Ишине саулай бериледи, аriu тиллиди, биргесине ишлегенлеге намыс этгени бла коллективге, саусулагъа да кесин сыйдюргенди. Ол

## Гиппократны антына кертичиле



бакъган адамла анга: «Бизни доктор»,-деп кърбул-тадыла.

Залиханланы Фатима уа мында ишлегенли 46 жыл болады. Иги сагъыш этсенг, ол бир адамны сау жашаууду. Фатима Къазахстанда хирургия медсестра болуп да ишлеп турганды. Уруну жолу узун киби, иш сынауу да уллуду. Кёлгъа алган жумушун ол бир торлю кемчиликсиз, тынгылы тамамайды. Аны ишине чурум табып, бир затына тарыгып киши да эшитмегенди. Усталыгына кертичи болганын а ише барган жолуну узаклыкгы окъуна шагъатлык этеди. Ары барыр эм артха кыйтыр ючюн да, анга тёрт кычырым жолну кыдырырга керек болады.

Жигер уруннганы, саулык сакълауу айнитыугъа салган кыйыны ючюн ол КЪМР-ни Саулык сакълауу министрствосуну Сыйлы грамоталары бла кёл керсе саугъаланганды эмда махталып турады.

Бепайланы Марзият да бу багыту учрежденида кёл жылланы урунуп келеди. Аны ишине тынды деп айталлык туйюлсе-терк болушлукъ берген бёлюмю медсестрасыды. Алагъа уа кече-кюн, кызыу, сууукъ,



жауун, кър деген сылтаула жокъдула, биринчи излем бла ауругъанга жетип, болушлукъ этерге керекдиле.

Марзиятны биргесине ишлеген кызыла-Къруиланы Тамара, Кетенчиланы Мариям, Езденланы Рахима, Гамайланы Рита, Хочуланы Зулейха да-тынгылы специалистледиле, саусулагъа эс тапдырыр ючюн, кёлларындал келгенни аймайдыла. Хочуланы Зулейханы юсюнден а энчи айтырга сюеме. Аны, окъуп алган билиминден сора да, Аллах берген факмусу барды. Ол адамны санында сыннганы, чыккыны болганын терк билип кърояды эмда керекли дарман да этеди. Анга Тёбен Чегемден угъай, тышындал да кеслерине бакъдырырга кёлпе келедиле. Иш кёллюгю, жууаплыккы, билими ючюн да ол кёл керсе саугъаланганды, алай бек сыйлы саугъага ол багып сау этген адамланы ыспас сёллерин, аriu айтханларын санайды.

Маккаланы Жанчык 1978 жылда Нальчикни медучилищесин бошагъандан сора Тёбен Чегемни больницасына (бусагъатда врач-амбулаторияга) ишлерге кирген эди. Ахкёбекланы Лейля анга ырыз болганын махтау сёлзе бла билдиреди. Жанчык ююнну сюйген, жарык адамды, ишчи тенглерины арасында аны дебери бийикди.

Кьонакъланы Арина 2003 жылда, окъуун бошагъанлай окъуна, республикалы больницада ише тохтаган эди. 2007 жылда уа Тёбен Чегемни врач-амбулаториясына кёлчеди, андан бери физиология кабинетни медсестрасыды. Жаш болганлыкка, ишин уста биледи, аriu тиллиди, жарык кёллюдю. Кесин коллективге угъай, саусулагъа да сыйдюргенди. Аладан кёл махтау сёлзе, алгышла эштитеди.

## РАЧЫКЪАУ улу Борис.

СУРАТЛАДА: (башында солдан онгнга) медсестрала Маккаланы Жанчык,Залиханланы Фатима, Кьонакъланы Арина; (тюбюнде) терапевт Сатаней Тамазова.

Суратланы автор алгъанды.

## Школ жашаудан

## Окъууда ал атламла

«Билимни гитче къралы»,-дейдиле Хасания элни 16-чы номерли орта школуну аны окъуучулары. Тюнене уа къруанчлы иш болганды- 1-чи «А» классны окъуучулары школчуланы сатырларына алыннгандыла. Анга аталган жыйылыугъа ата-анала, ыннала, устазла да къратышхандыла.

Класс кърангада жыйырма бла жети акъ кёлгюнчюлюкно, аланы алларында уа уллуракъ юч кёлгюнчюлюкно суратлары бардыла. Сабийле аланы кёлгенлей

окъуна, биз бла устазларыбыз, дегендиле. Аладан сора уа: «Биз энди сабийле угъай, окъуучулабыз!»- деген жазуулары окъугъандыла.



Устаз Темуккуланы Светлана Мачраиловна аланы бир кесек тирирек этер мурадта байрамны оюн-дерс бла башлайды. Ала элберлене, жомакъланы къалай билгенлерин, кыйсы жомакъда кимни юсюнден айтылганын сорады. Окъуучуланы хазна кълмай барысы да кёлчүкъларын созуп кюрешедиле.

Ол күн башха школчула да назмула айтхандыла, жырлагъандыла. Байрамны жомакъланы жигитлери Буратино, Мальвина, Золушка, Кызыл бёркю кызычык да жокълагъандыла. Ала хар бири да саугъала бла кёлгендиле.

Биринчи классны окъуучуларыны къруанчларына 3-чю классдан кызычыкыла бла жашчыкыла устазлары Аттоланы Адрахманны кызы Лида бла кёлгендиле эмда карандашла, линейкала, къламла да келтиргендиле. Музыка саугъа да этгендиле.

Аланы школну директоруну орунбасары Гергьокъланы Шарифа да алгышлагъанды. «Энди сиз толу эркинликли окъуучула болгансыз, алай эсе уа, иги окъругъа, кёл билирге, кесигизни тап жюрютюрге, тизгинли болургъа керексиз, аны унутмагъыз»,-дегенди. Ызы бла ол хар сабийге «Биринчи классны окъуучусуну дипломун» бергенди. Анда уа аланы хар бирини сураты бла насыйхат сёлзе жазылыпдыла.

Ол күн 1-чи «А» классны окъуучуларына школну директоруну атындан почта бла посылка да кёлген эди. Анда уа жомакълары бла китапла бар эдиле. Сабийле хар бири да аланы бек сюйюп алгъандыла. «1-чи классны окъуучулары» деген жазуулары бла тортну да барысы да бирге ашагъандыла.

ХОЛАЛАНЫ Марзият.



## Той



## Насып, узакъ ёмюр да тежейбиз

Жангы юйорлени кыралылары жалаңда аланы жууукларына, ахлуларына угъай, саулай да миллетибизге кыуанчды. Алгаракълада аллай кыуанч Акъ-Сууда жашагъан Бёзюланы арбазларын да жарытханды. Маликни жашы Эльдар бла Атырзаланы Тахирни кызы Жаннет бир юйор кырагъандыла.

Жууукъ, тенг, жангы юйленген жашны бла кызыны алгышлай, алагъа толу юйорю болурларын, бир бирлерин ангылап, кёп жылланы ырахат эмда кийик саулукулу жашарларын тежегендиле. Биз да, алагъа кышулуп: жаш адамланы къадарлары аталары, аналары, артыкъда бег а кеслери суйгенча насыпты, узакъ ёмюрю болсунла, дейбиз.

**Бёзюланы, Атырзаланы,  
Къайгырмазланы, Созайланы юйорлери.**

## Ишге чакъырабиз

## Аспирантурагъа кирирге суйгенлеге

«Эл мюлкю Къабарты-Малкъар илму-тинтиу институту» федеральный кырал бюджет илму учреждение битеулю жерчилик, битимчилик; селекция эмда эл мюлк битимлени урлукларын ёсдюрюю деген специальностылагъа кёре 2014-2015 окъуу жылгъа аспирантураны заочный формасына алыну бардырады.

Андан сора да, зоотехния, ветеринария, битеулю жерчилик жаны бла 1-чи эм 2-чи номерли илму-производство бёлюмледе ишлерге илму кылулукчуланы алады. Ол бёлюмле Чегем районну Нартан элинде бла Терк районну Красноармейское элинде орналыпдыла.

Бу билдириулеге эс бурганла бу адресге келирге боллукдула: **Нальчик ш., Киров орам, 224,3-чю этаж, 308-чи кабинет.**

Сорлуклары болганла бу телефон номерлеге сёлешсинле: **77-01-96,8-962-652-21-65.**

Газетни келир номери 6-чы ноябрьде чыгъарыкъды.

## ШАХМАТЛА

## Мажмудин Кармов - биринчи

**КъМР-ни Спорт министрствосуну пресс-службасындан билдиргенлерича, Дагъыстан Республиканы Избербаш шахарында шахматладан Россейни кубогуну Н.Г. Гапи-зовну хурметине жораланнган кезиую ёттенди.**

Анга битеу да 89 спортчу къатышхандыла, аланы араларында халкъла аралы гроссмейстерле, спортну усталары, кандидатла, биринчи разрядлы спортчула бар эдиле.

Бизни республикадан эришулеге онтёрт адам баргъанды. Алай эм жетишимли

болуп 64-жыллыкъ Мажмудин Кармов къайтханды. Ол ветеранланы араларында биринчи жерни алгъанды. Александр Козак ююнчю жерге чыкъгъанды. Башха жерлешлерибиз а 5-чи-13-чю жерледе къалгъандыла.

## ЭРКИН ТУТУШУУ

## Континентле аралы кубок - Мусукаланы Исмайылда

**Кёп болмай Хасавюртда «Эркин тутушуудан континентле аралы кубок» деген алтынчы битеуроссей турнир бардырылгъанды. Ол XIV-XX ёмюрледе жашагъан сыйлы спортчуланы хурметлерине жоралангъанды.**



Исмайыл тренери Ажоланы Юсюп бла.

Анда 21-жыллыкъ хасаниячы жаш Мусукаланы Исмайыл 57 килограмм ауурлукъ категорияда биринчи жерге тийишли

болгъанды. Исмайыл юйорланы араларында Россейни чемпионуду, былтыр Каспийск шахарда Алий Алиевни хурме-

тине жораланнган турнирде хорлагъанды.

Хорламы ююн аны «Лада Гранта» машина бла саугъалагъандыла. Бу саугъа белгили чемпион Шамиль Умахановну туугъан къарындашы башламчылыгы бла бериледи. Ол 1998 жылда 25-чи июнда Нальчикни спорт мекемында балкону оюлганында ажимлы ёлген эди. Шамиль да, Исмайылча, бу ауурлукъ категорияда эрише эди.

Аны тренери Ажоланы Юсюп айтханына кёре, Исмайыл 2015 жылда Красноярск шахарда Иван Ярыгинни хурметине жораланнган уллу турнирде кесин кёргюзталлыкъды.

КСАНАЛАНЫ Фатима.  
Сурат авторнуду.

## АУУР АТЛЕТИКА

## Ксения Савчук - ЭМ КЮЧЛЮ

**Москвада ауур атлетикадан студентлени чемпионатлары бардырылгъанды. Анда бизни республикадан Ксения Савчук алтын майдалны алгъанды.**

Ксения, двоеборьяда битеу да 180 килограммны кётюрюп, аны бла эришгенлени иги да озганды. Аны тренер Михаил Шекемов юйретеди. Атлетчи кызы бююнлюкде Амурну кырал гуманитар - педагогика университетинде окуйду, турнирлеге Къабарты-Малкъарны эм Хабаровск крайны атларындан къатышды, деп билдиргендиле КъМР-ни Спорт министрствосуну пресс-службасындан.

КУЛЬЧАЛАНЫ Зулфия.

## Бипаиргу

## Жамауатны болушлугъу изленеди

**Кёндедени администрациясы бла эллилени бир къаууму бу элде Уллу Ата журт урушда ёлгенлеге эсгерте салырга белгиленген билдиреди. Аны уллулугъу 63х2,3 метри тутарыкъды. Бу элден чыкъганланы, башхаланы да аны кырулушуна кышумчулукъ этерлерин тилейбиз.**

**Эсгертмени ишлеуге кеслери ыразылыклары бла ахча берирге суйгенле аны бу расчётный счёта ётдюрюрге боллукъдула:**



42307810960330137940 Россейни Сбербанкны Къабарты-Малкъарда 8631-чи номерли бёлюмю, Кёндеден эл.

Учредительле: Къабарты-Малкъар Республиканы Парламенти бла Правительствоу

Баш редакторну орунбасары  
КЪОНАКЪЛАНЫ Хасан

## РЕДКОЛЛЕГИЯ:

АТТАЛАНЫ Жамал, (баш редактор)

БЕШПАЙЛАНЫ Муталип (баш редакторну орунбасары)

ТОКЪЛУЛАНЫ Борис (жуаулы секретарь)

ТЕКУЛАНЫ Хауа (жамауат-политика бёлюмю таматасы)

САРАККУЛАНЫ Асият (культура бёлюмю таматасы)

## ТЕЛЕФОНЛА:

Редакторну приёмный - 42-63-01. Баш редакторну орунбасарлары - 42-38-21, 40-04-82. Жуаулы секретарь - 42-66-85. Секретариат - 40-93-62. Корректорла - 42-63-52.

Газет Басманы эм асламлы информацияны эркиндиклерин кыруулау жаны бла Къабарты-Малкъар регион инспекцияда 1994 жылда 14-чю июнда регистрация этилгенди.

Регистрация номер —Н—0066. Индекс - 51532

Газетни басмагъа КъМР-ни Басма эмда асламлы коммуникация жаны бла кырал комитетини компьютер службысы хазыр этгенди.

Газет "Тетраграф" ООО-ну типографиясында басмалангъанды. Нальчик шахар, Ленин атлы проспект, 33

Номерге графикте кёре 19.00 сагъатда кыол салында. 20.00 сагъатда кыол салынганды

ГАЗЕТНИ НОМЕРНИ  
ЧЫГЪАРГЪАНЛА:

Текуланы Хауа-дежурный редактор; Акушуланы Феруза (1,2,3,4-чю бетле), Зезаланы Лида (5,6,7,8-чи бетле) - корректорла.

Тиражи 2130 экз. Заказ № 2122

РЕДАКЦИЯНЫ ЭМ  
ИЗДАТЕЛЬНИ АДРЕСИ:



360000, Нальчик шахар,  
Ленин атлы проспект, 5  
электронный почтасы:  
elbor\_50@mail.ru